

Իսկ այս են պատճառք լրմանցն՝ զոր ամէն ՂԵ (95) ամի սղալին Հոռոմք ի սուրբ գատկին, որ է լրում ապրիլի 2 խորանին իննեւտասներեակացն. զի յորժամ եղին զհինգհարիւրեակն՝ Իսիոն ավարիկ գիտնականն Հոռոմոց՝ ոչ կուչեցաւ ի ժողովն. և յորժամ եկն ի հեռի ճանապարհէն յոր երթեալ էր, մախացեալ ընդ իրսն ընդ այն, և զապրիլի վեց՝ հինգ սասց և ելից զՎոստանդիւնուպօլիս¹: Իսկ յապրիլի 9 յայնմ ամի ի կիրակի հանդիպի. բայց մեք ի միւս կիրակի անցուցանեմք զգատկն. իսկ Ե (հինգերորդ) օրն շաբաթ լինի, և նոքա զլրումն ի տեղն առնեն, և ուտեն զխաչելութեան շաբաթն: Պատրաստ կացէք որ չի սխալիք, դուք այլ հետ նոցա գատիկ առնէք: Ի հին գիրք մի այսպէս գրած էր, և մեք ձեզ այլ ծանուցաք. որ յամէն ՂԵ տարի՝ կու մուրրին տասն ազգ, բայց ի Հայոց և յԱսորոց. թէ չէք հաւատար, նայ զխառնայփընտուրին² զտարէգիրն համբրեցէք, և տեսէք որ կենայ գիրն³ Շ կու գայ յայսկից ՂԵ տարի, և կրկին ՂԵ տարոյ յետև կրկին Շայ կու գայ, և երեքկին ՂԵ տարոյ յետև Ոյ (Ո) կու գայ նահանջն ավլի, ապրիլի թԳ գատիկ կու լինի. և ի տումարն այլ գտալք, որ երկու անգամ առանց նահանջի կու մուրրին, և յետինն նահանջով. և յամէն մուրրած տեղն գրած է, թէ Յայմ ամի մուրրին Յոյնքն. տեսէք և զգուչ կացէք: Հոռմի և Ֆուանկի հետ դրեր եմք խառնայփընտուրով, յամէն ՂԵ տարի զոր կու գայ նոցա գատիկն և Հայոցն ի թԳ, և յետոյ Բձ և ԽԶ (246) տարի չեն մուրրիր. հինգհարիւրեակին մէջն՝ չորս տարպայ կու մուրրին, երեք առանց նահանջի և մէկն նահանջով. այս տարինս յետև՝ երեք ՂԵին այլ կու մուրրին: Գուք այլ ամէն գիրք գրեցէք, որ ի մեր յանցմանն յետև⁴ մեր որդիքն այլ իմանան և հեռոյ⁵ հումինչ չմուրրին, և զհայրապետաց անէծքն ընդունին: Այլ բաւ է ձեր վեհ իմաստութեանցդ. ողջ լերուք ի Տէր, Լուսաւորչին փառքն: Փառք Աստուծոյ:

Գրեցաւ գիրս ի սուրբ քաղաքն Երուսաղէմ, ի դուռն Սուրբ Յակոբայ. ԹՎ. ՌԷԸ, նոյեմբեր Ը:

1. Պակսի բառ մի Խուլու-Բեաբ կամ հուլու-Բեաբ:

2. Թուին Աշիւսակք տումարագրոց:

3. Կիրակագիրն:

4. Այսինքն, յետ մեր մահուանս:

5. Թեբեւս՝ յեռոյ, կամ հեթ, Հումոց հետ: